

Fillon Kreshma e Pashkës - Të hënën dt. 11 Mars 2019



Kreshma e Madhe fillon të hënën, dt. 11 mars dhe zgjat deri në kremtimin e Pashkës, dt. 28 prill.

Kreshma e Pashkës së Madhe është një kreshmë e veçantë me karakter të thellë pendimi, si periudhë përgatitore për kremtimin e Pashkës. Rreth kuptimit dhe rëndësisë do ju njohim në ditët në vazhdim.

Kreshma e Madhe fillon gradualisht. Nga data 4 mars hoqëm mishin dhe produktet e tij nga përdorimi, pra nuk mund të konsumojmë mish deri në ditën e Pashkës. Këtë javë nga dt. 4 - 10 mars përdorim prodhimet bulmetore dhe peshkun dhe nuk hamë më këto produkte nga dt. 11 mars deri për Pashkë.

Çfarë hamë dhe nuk hamë:

- – Nuk lejohen përdorimi i mishit dhe i produkteve të tij, as i peshkut, bulmetit, vezës, por hahen perimet, zarzavatet, frutat, frutat e detit, gatime e produkte brumërash, vera dhe vaji (përdorimi apo privimi i vajit e verës varet nga udhëzimet e atit shpirtëror).
- – E Hëna, e Marta, e Mërkura e javës së parë të fillimit të kësaj kreshme, quhen të bardhë sepse nuk hahet dhe nuk pihet. Ky privim i fortë bëhet edhe të Premten e Madhe (të premten e Javës së Madhe para Pashkës). Për këtë lloj

privimi në këto ditë nevojitet biseda paraprake me atin shpirtëror (priftit ku rrëfhehi), duke ditur larminë e madhe të mundësive, kushteve, vështirësive e faktorëve të ndryshëm të besimtarëve dhe jetës së tyre.

- - Të Shtunave dhe të Dielave gjatë Kreshmës së Madhe, me përjashtim të së Shtunës së Madhe (që është kreshmë e fortë) mund të përdorim vaj dhe verë (edhe për këtë vepojmë sipas udhëzimeve të atit tonë shpirtëror).*
- - Lejohet te hahet peshk vetëm në festën e Ungjillëzimit, në dt. 25 Mars dhe të Dielën e Palmave (Dafinave) që këtë vit bie dt. 21 Prill.*

Shënim i rëndësishëm:

- Kalendari ynë kishtar është hartuar në mënyrë të tillë që të na drejtojë me zell në rrugën e duhur në jetën tonë shpirtërore. Në të ka shumë ditë kreshmimi të cilat na përgatisin për ditët e festave.

- Gjithashtu është e këshillueshme që çdo i krishterë orthodhoks të këshillohet me atin shpirtëror (priftit ku rrëfhehi) përse i përket nevojave personale për të kreshmuar.

- Ka mënyra të ndryshme kreshmimi që varen nga udhëzimi i atit shpirtëror.

- Gjatë gjithë kreshmës Kisha rekomandon pakësimin e sasisë së ushqimit që konsumoni çdo vakt dhe të mos hahet ndërmjet vakteve.

- Kreshmoni (mos hani) për disa ushqime dhe pije që ju pëlqejnë më shumë (ëmbëlsira, alkool) dhe për disa zakone apo varësi (të pirit duhan, televizori, radio, facebook etj).

- Bisedoni me atin shpirtëror dhe merrni bekimin e tij për arsye shëndetësore, për gratë shtatëzëna dhe për raste të tjera të veçanta.

Pse kreshmojmë:

** Kreshma na bën të vetëdijshëm për varësinë tonë tek Perëndia.*

** Kreshma na ndihmon të krijojmë disiplinë personale.*

** Kreshma shërben si një periudhë ndriçimi, veçanërisht për të na përgatitur për kremtimin shpirtëror dhe misionin e krishterë.*

** Kreshma është periudhë që zbulojmë nevojat tona të vërteta.*

** Kreshma është shenjë vuajtjeje dhe pendimi.*

Si të kreshmojmë:

- * Mbani kreshmë shenjtëruese.*
- * Kaloni më shumë kohë me Perëndinë gjatë Kreshmës.*
- * Kombinoni bamirësinë me kreshmën.*
- * Ruani një shpirt përrulësie, pendimi dhe faljeje.*
- * Kreshmoni në fshehtësi.*
- *Kreshmoni me gëzim.*

Kreshma dhe familja

- Diskutoni me familjen përpara se të fillojë Kreshma, për rëndësinë e të kreshmuarit, sesi do të kreshmojë familja juaj dhe për çfarë feste të madhe po përgatiteni.*
- Gjatë periudhës së kreshmës të heqim dorë nga diçka e veçantë për ne.*
- Të reduktojmë pak sasinë e ushqimit që hamë.*
- Nga paratë e kursyera nga kreshma të bëjmë diçka për njerëzit në nevojë.*
- Rriteni aktivitetin tuaj shpirtëror (lutuni në komunitet dhe personalisht vetëm për vetëm me Zotin, lexoni çdo ditë Biblën, lexoni jetë shenjtore dhe shkrime të tjera të shenjta të Kishës).*
- Mos e kufizoni përfitimin nga kreshma thjesht duke hequr dorë nga ushqimi, sepse kreshmë e vërtetë do të thotë të shkëputesh nga e keqja.*
- Prishni çdo lidhje të padrejtë, hidhni tutje çdo pakënaqësi ndaj të afërmit tuaj, faleni për ofendimet e tij ndaj jush.*
- Mos u grindni.*
- Kujdes! Ju nuk hani mish, por mërzitni me grindje të tjerët; nuk pini verë, por vazhdoni të fjeni të tjerët. Nëse jetoni kështu, përpjekja e kreshmës nuk ka dobi.*

Kreshmë të mbarë !!!

<http://orthodoxalbania.net/index.php/al/lajme/blog/6871-fillon-kreshma-e-pashkes-te-henen-dt-11-mars-2019>